



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine, broj: 08-02-2-3567-1/2024 od 25.09.2024. godine, na preporuku Komisije za javne nabavke od 06.11.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

O D L U K U **o izboru najpovoljnijeg ponuđača**

Član 1.

(Predmet odluke)

Ugovor o nabavci roba – SAN (Storage Area Network) switch uređaj za potrebe Visokog sudskog i tužilačkog vijeća Bosne i Hercegovine, dodjeljuje se ponuđaču **BBS d.o.o. Sarajevo**, za ponuđenu ukupnu vrijednost ponude od **201.500,00 KM** bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnoj Tenderskoj dokumentaciji.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u Tenderskoj dokumentaciji.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-1-1-222-3-78/24 objavljeno dana 10.10.2024. godine. Primitljive su ponude ponuđača BBS d.o.o. Sarajevo i ARTCO GROUP d.o.o. Sarajevo.

Komisija za nabavke imenovana Rješenjem o imenovanju br. 05-16-4-4346-1/23 od 26.12.2023. godine i 05-16-4-419-2/24 od 16.09.2024. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-3659-12/24 od 06.11.2024. godine je u prilogu ove Odluke), i utvrdila sljedeće:

Ponude ponuđača BBS d.o.o. Sarajevo i ARTCO GROUP d.o.o. Sarajevo su ocijenjene kao prihvatljive, budući da su u skladu sa uslovima iz Tenderske dokumentacije broj 05-16-4-3659-2/24 od 10.10.2024. godine i u okviru budžeta planiranog za predmetnu nabavku.

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije („Sl. glasnik BiH“, broj 80/23). Ponuđači BBS d.o.o. Sarajevo i ARTCO GROUP d.o.o. Sarajevo su kvalifikovani učesnici u postupku e-aukcije.

Nakon provedenog postupka e-aukcije, prvorangirani ponuđač je BBS d.o.o. Sarajevo, čija ponuda zadovoljava sve uslove iz Tenderske dokumentacije i u okviru je budžeta planiranog za predmetnu nabavku. Izvještaj o provedenoj e-aukciji, broj 05-16-4-3659-11/24 od 06.11.2024. godine, je u prilogu Zapisnika o pregledu i ocjeni ponuda i izvještaju o radu Komisije i sastavni je dio istog.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **BBS d.o.o. Sarajevo**.


Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-3659-13/24

Datum: 07. 11. 2024. godine



Direktor Sekretarijata

Admir Suljagić

Dostavljeno:

- Ponuđačima,
- Odjelu za finansije i računovodstvo,
- a/a.